

Peter Wasmund

Rector Academiae Rostochiensis Petrus Wasmundt I. U. D. Professor, & hoc tempore Iuridicae Facultatis Prodecanus, Ad Introductionem solemnem Professionis iuridicae ... Dn. Nicolai Schutzen I. U. D. Crastina die hora 6. in auditorio Collegii Philosophici Boreali instituendam, Omnes omnium ordinum Cives Academicos officiose & amanter invitat

Rostochi[i]: Pedanus, 1631

<http://purl.uni-rostock.de/rosdok/ppn734601913>

Druck Freier  Zugang



RU. Progr. 1631

1) Peter Warmundt

2) " " "

3) Thomas Lindemann

RECTOR
Academiae Rostochiensis
PETRUS WASMUNDT
J. U. D. Professor, & hoc tem-
pore Juridicæ Facultatis
PRODECANUS,

Ad

Introductionem solemnem
Professionis juridicæ

Viri Clarissimi & Consultissimi

DN. NICOLAI Schuzen

J. U. D.

*Crastina die hora 6. in auditorio Collegij Philoso-
phici Boreali instituendam,*

Omnes omnium ordinum Cives Academicos
officiosè & amanter invitat.



ROSTOCHI

Typis JOACHIMI PEDANI Acad. Typ.
Anno M. DC. XXXI.

rentio, retentionem sequitur concoctio, hanc
distributio, distributionem excretio & assi-
milatio. Quibus omnibus rectè sese habenti-
bus, vivit, valetq; homo: at ordine isto turba-
to & læso, læduntur actiones corporis; hinc
morbus, quem mors sequitur. Sic orbis cœ-
lestes, quamvis proprijs & dissimilibus imò
contrarijs agentut motibus, & in medio ve-
luti cursu nonnunquam tardius incedant,
nonnunquam veluti immoti subsistant, quan-
doq; regrediantur, post rursus accelerent cur-
sum, ac velocitate cursus compensent ac com-
pleant prioris moræ defectum, nec eundem
semper teneant tramitem, sed à medio Zodia-
ci itinere nunc in Boream, nunc in Austrum
evagantur: denique à terra procul interdum
recedant, interdum ex alto rursus veluti se de-
mittant ad terram: tamen certo ordine ferri,
esseque regulares ac æquales motus omnes, e-
videnter convincunt, tum conversiones in-
tegræ singulorum inter se perpetuò congruen-
tes, ut nullus orbis alterius vicinioris motum
impediat, tum ipsius inæqualitatis certi sta-
tique reditus. Hunc naturæ ordinem ars imi-
tatur, cujus exemplum in Musica videre licet.
Nam si in cantu voces omnes præscriptum or-
dinem


dinem servant, suavis est vocum harmonia atq; concentus, licet magna sit vocum varietas: At si ordo in cantu non servetur, dissonantia vocum oritur, parum auribus grata & auditu injucunda. Sic in prælijs etiam acie turbata exercitus sibi ipsi sunt impedimento, & magna datur hostibus ad victoriam occasio. Sic deniq; civilis hominum societas & universa Rerum publicarum atq; regnorum machina certo constat ordine, quo sublato perit hominum societas, Regna & Respublicæ dissolvuntur & intereunt. Hunc ordinem Jurius appellat, cui conservando Reges ac Principes deserviunt, unde legum custodes appellantur. Jus autem certum finitumque esse debet, cum sit actionum humanarum & civilium negotiorum quasi cynosura atque gnomon: quod enim cynosura atque gnomon nautis est in mari navigantibus, hoc Regibus atque Principibus jus est, quod si certum & fixum est, bene agitur de Republica; si vero incertum & dubium, Reipublicæ dissolutionem & interitum arguit. Quia vero ut ait Pomponius de origine juris, naturaliter evenit, ut leges latæ interpretationem Juris necessitate quadam desiderent, cum teste Ulpiano, Juliano, & Paulo nec le-

ges nec Senatusconsulta ita scribi possint, ut omnes casus, qui quandoque inciderint, comprehendant, hinc videmus, leges earumque majestatem commodè consistere non posse, nisi per assiduam Jurisperitorum interpretationem, quam Pomponius testatur esse necessariam: Non eorum quidem qui litigandi vias magis quam juris & justitiæ tradere solent; sed prudentum, hoc est eorum qui artem boni & æqui probè calleant, justumque ab injusto ita discernere sciant, ut verborum vim nec callidè nec insidiosè insectentur: Sed æquitatem cum juris civilis ratione perpetuò jungant. Tales Jcti à Regibus principibus & Rebus publicis semper magno in honore habiti, atque amplissimis præmijs & stipendijs condecorati fuerunt. Divus Augustus Antistium Labeonem celeberrimum tum Jctum sibi adhibuit. Adrianus, quem Pomponius optimum principem nominat, viros doctos præcipuè vero Jctos & pecunia & honoribus honestavit. Alexander Imperator nullam constitutionem sacrauit sine viginti Jctis doctissimis & sapientissimis Viris, ijs denique disertissimis, non minus quinquaginta. Apud Alexandrum Severum Imperat. Jcti in
magna

magna auctoritate fuerunt, adhibiti ad omnia
negotia. Justinianus Cæsar licet, ut quidam
judicant, planè rudis & ignarus literarum fue-
rit, attamen veneratus est & adhibuit diligen-
ter Jurisconsultum Tribonianum Theophi-
lum Dorotheum & alios. Carolus IV. Impe-
rator Bartolum de Saxoferrato unà cum fami-
lia & successoribus immunitatibus singulari-
bus donavit. Sic & alij principes alios semper
sibi adjunxerunt Jurisconsultos, quorum au-
toritate judicioque leges facerent, petentibus
de jure responderi rescriberent, & quibus Rei-
publicæ partem gubernandam concederent.
Hujus honoris jam particeps factus est Vir Cla-
rissimus & Consultissimus Dn. NICOLAUS
SCHUTZE J. U. D. dignissimus Viri amplissimi
& prudentissimi Dn. Joachimi Schutzen Con-
sulis Reipublicæ Urbanæ à multis annis meri-
tissimi egregiè patrians filius, qui præclaro-
rum Jctorum feliciter æmulatus est industriam.
Postquam enim tum in Academia patria tum
etiam in alijs celeberrimis Germaniæ & Galliæ
Academijs indefessam juri operam dedisset, at-
que ipsi in Academia Aurelianensi supremi in
utroq; jure honores collati essent, redux in
patriam, ab amplissimo hujus urbis Senatu,
compa-


compatrono Academiae munifico & benigno,
stationem, quam resignatione sua in Facultate
Juridica Vir Amplissimus Clarissimus & Con-
sultissimus Dn. Johannes Sibrandus J. U. D. &
Professor Codicis quondam in hac Academia
celeberrimus, amicus & collega noster hono-
randus, jam Syndicus Reipublicae urbanae pru-
dentissimus & industrius vacivam fecit, con-
secutus est. Nos optimam de hujus instituti
successu felici spem fovemus, fore, ut nec scho-
lae inhonorificus, nec juventuti inutilis, nec
antecessori suo impar futurus sit.

Quod igitur publici ordinis servandi & ho-
noris testificandi gratia praestare tenemur, re-
citationi inauguralis orationis, quam cras
hora 9. in Collegij Philosophici auditorio Bo-
reali de privilegijs Jectorum habebit, interesse,
eiq; fausta omnia comprecari non gravabi-
mur, ad quod officium omnes Academicæ ju-
risdictioni subjectos sedulo & officiosè publica
voce & autoritate invito. P. P. Sub sigillo
Facultatis Juridicæ, 20. Julij Anno 1631.



lita nostra depēdamus & exc
catis enim fugatur Spiritus S
fordes, nec habitare vult nec p
subdito nequitia. Cujus eni
cata repellere & extinguere, ei
prium est peccata odisse, nec b
nec commorantur in uno cord
lita & divina munditia. Hæc
stabile hospitium debet, illi n
tas repudium, Illi nisi valedi
dicet tibi? Atq̄ infelices & at
qui tanto oblato & concessio bo
nis omnibus, seipsos privaver
ritus Sanctus cū conferat bo
fit omnia, necesse est ut omni
eum egerit.

Hoc damnum avertite, qu
cet, modis, rejicite carnales
& impura mundi oblectament
tum sunt fallacia, quia dubi
diosa, quia dulcia, & contra p
sobrietati pœnitentiæ & pre
insistite, ardentēq; rogate San
Spiritus, ut in cordibus vestr
gna sibi præparet verbum suu
lis & toti patriæ nostræ non su



the scale towards document

Pec
i odit
rpore
ft pec
n pro
niunt
ca ma
pud te
t mit
c vale
iferos,
est bo
n Spi
: imo
, qui
ue de
vanaq;
on tan
m insi
ercitijs
genter
n hunc
a se di
Scho
pacem,
quam